



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

**Komisija za finansije i budžet**

Broj: 01/4-011-454/03  
Sarajevo, 28.3.2003. godine

**Z A P I S N I K**

**sa 5. sjednice Komisije za finansije i budžet Predstavničkog doma  
Parlamentarne skupštine Bosne i Hercegovine,  
održane 28. marta 2003. godine**

Sjednica je počela u 11:00 časova.

Sjednicom je predsjedavao Nikola Špirić, predsjedavajući Komisije.

Sjednici su prisustvovali: Fatima Leho, Beriz Belkić, Filip Andrić, Ljiljana Milićević, Zlatko Lagumdžija i Abdulah Nakaš, članovi Komisije.

Opravdano odsustvovali: Hazim Felić, i Mirko Blagojević.

Sjednici su prisustvovali: Emira Češljarić, sekretar Komisije za vanjsku trgovinu i carine u svojstvu privremenog sekretara Komisije za finansije i budžet i Adnan Bogunić, student završne godine Ekonomskog fakulteta u Sarajevu, učesnik u programu studentskog stažiranja u Parlamentarnoj skupštini BiH organizovanog od Nacionalnog demokratskog instituta za međunarodne odnose (NDI).

Za sjednicu je predložen i usvojen sljedeći

**D N E V N I R E D**

1. Komisijski izvještaj sačinjen na osnovu Izvještaja Ureda za reviziju finansijskog poslovanja institucija Bosne i Hercegovine za 2001. godinu
2. Razno.

**Ad – 1 Komisijski izvještaj sačinjen na osnovu Izvještaja Ureda za reviziju finansijskog poslovanja institucija Bosne i Hercegovine za 2001. godinu**

Ispred Komisije predsjedavajući Nikola Špirić je zahvalio Fatimi Leho, na kompletiranom izvještaju i istakao da bi na ovoj sjednici trebalo utvrditi konačni Komisijski izvještaj koji bi se dostavio Domu u dalju proceduru.

Nikola Špirić, Beriz Belkić, Fatima Leho i Abdulah Nakaš nisu imali primjedbi na dobijane izvještaje od strane institucija kojima su se obratili kao i na preporuke Domu.

U raspravi su učestvovali: Fatima Leho, Nikola Špirić, Beriz Belkić, Filip Andrić, Ljiljana Milićević i Zlatko Lagumdžija.

Fatima Leho je istakla da je za svakog korisnika budžeta u Izvještaju Ureda za reviziju po ranije utvrđenoj i prihvaćenoj metodologiji članova Komisije iz prethodnog saziva sačinila isti uvod kratak siže i rezime za svakog korisnika pojedinačno iz Izvještaja Ureda za reviziju. Dalje je razradila post revizijski period sačinjen na osnovu usmeno ili pismeno dobivenih izvještaja od institucija kojima se obratila o otklonjenim nedostacima i preduzetim mjerama. Na kraju izvještaja navedene su preporuke Predstavničkom domu. Ono što se povlači kroz sve izvještaje je problem interne kontrole, problem nabavki i informacionog sistema.

Beriz Belkić je mišljenja da je potrebno inicirati kod Vijeća ministara BiH donošenje Zakona o budžetu u BiH koji bi zamjenio Zakon o izvršenju budžeta.

Fatima Leho je upoznala prisutne da joj Regulatorna agencija za komunikacije (CRA) nije htjela predočiti tražene informacije radi čega se morala ponovo pismeno obratiti.

Zlatko Lagumdžija je mišljenja, ponukan postupkom i stavom CRA, da poslanik ukoliko se ne radi o državnoj tajni ima pravo izvršiti uvid u potrebnu dokumentaciju i dobiti informacije. Na ovaj način se jača pozicija poslanika i institucije.

Filip Andrić je predložio, a što je jednoglasno prihvaćeno, da se u komisijskom izvještaju finansijskog poslovanja Arhiva BiH briše posebna preporuka.

Na sjednici je jednoglasno zaključeno:

- da Komisija predloži Predstavničkom domu, obzirom na generalno zapažanje u finansijskom poslovanju inistitucija BiH, da se sugeriše, odnosno inicira kod Vijeća ministara BiH potreba donošenja Zakona o javnim nabavkama, ustupanju poslova i pružanju usluga u BiH; Zakona o budžetu zajedno s kontnim planom i regulisanje interne kontrole uredbom i drugim pravnim aktom;
- da se preporuči svim institucijama BiH da se prema članovima Komisije za finansije i budžet odnose u skladu sa članom 31.(2) Zakona o reviziji finansijskog poslovanja institucija Bosne i Hercegovine kada traže podatke i informacije.

## **Ad-2 Razno**

Zlatko Lagumdžija je mišljenja da bi Komisija u okviru djelokruga poslova trebala razmatrati pitanja koja se odnose na program rekonstrukcije i razvoja BiH, prije razmatranja ovih pitanja na sjednici Doma. Naveo je primjer potpisivanja

Memoranduma o razumijevanju između Bosne i Hercegovine zastupane po Predsjedništvu BiH i Debis International Trading GmbH preduzeća Daimler Chyflen Services Ag-a Berlin 25. marta 2003. godine u Mostaru. Predložio je da se od Predsjedništva BiH zatraži informacija šta je Memorandumom konkretno dogovoreno i potpisao, iz konkretizaciju sadržaja i ugovora koji će biti zaključeni na osnovu Memoranduma.

Jednoglasno je zaključeno da se od Predsjedništva Bih zatraži informacija o predloženom.

Filip Andrić je kao član Privremene komisije za izradu izmjena i dopuna Poslovnika Predstavničkog doma istakao da su na Komisiji zauzeli stav da Komisija za finansije i budžet promjeni naziv u "Komisiju za ekonomse reforme, finansije i budžet". Na ovaj način bi se proširio djelokrug poslova Komisije za finansije i budžet.

Ljiljana Milićević je postavila pitanje predsjedavajućem "da li je na neki način Komisija konsultovana u uključivanju Buldožer komisije"? Predsjedavajući je odgovorio da Komisija za finansije i budžet nije konsultovana niti uključena, ali će se kroz zakonske projekte uključiti ukoliko ih bude.

Sjednica okončala rad u 12:00.

Zapisnik sačinila  
Emira Češljar

Predsjedavajući Komisije  
dr. Nikola Špirić